

Dumonda da la CFC concernent plazzas d'emprendissadi en regiuns perifericas

A chaschun dal 3. parlament da mattas dal Grischun dals 9 da november 2017 è vegnida deliberada la petiziun cun il titel «Stgaffir plazzas d'emprendissadi multifaras en las regiuns perifericas» per mauns dal cussegl grond.

La cumissiun per furmaziun e cultura (CFC) ha tractà la petiziun a chaschun da sia sesida dals 22 da mars 2018 e proponì al cussegl grond da prender enconuschientscha da la petiziun.

En il rapport da la CFC al cussegl grond vegni mussà che 600 da circa 1800 plazzas d'emprendissadi n'han betg pudì vegnir occupadas en il chantun Grischun. Er ils onns precedents eri sa mussà che circa in terz da las plazzas d'emprendissadi n'han betg pudì vegnir occupadas.

En quest connex tschantan las sutsegnadras ed ils sutsegnaders las suandantas dumondas:

1. Co è la distribuziun da las plazzas d'emprendissadi betg occupadas en las regiuns?
2. Tge plazzas d'emprendissadi en las regiuns perifericas n'han betg pudì vegnir occupadas?
3. Datti ina purschida multifara da plazzas d'emprendissadi per dunnas giuunas e per umens giuuns en las regiuns perifericas?
4. Tge pussaivladads e tge schanzas resultan sin fundament da la digitalisaziun per stgaffir plazzas d'emprendissadi attractivas en las regiuns perifericas?
5. Co giuditgescha la regenza la concessiun d'in bonus fiscal per interpresas che stgaffeschon plazzas d'emprendissadi en las regiuns perifericas?
6. Co valitescha la regenza la pussaivladad ch'il chantun sa participescha als custs da transport d'emprendistas ed emprendists da regiuns perifericas?

Cuira, ils 16 d'avrigl 2018

Märchy-Caduff, Locher Benguerel, Atanes, Clalüna, Hug, Kasper, Tenchio, Thomann-Frank, Waidacher, Widmer-Spreiter